


KOMMUNIMUT PILERSAARUMMUT TAPILUSSAQ 1C33-1

Atuarfik Samuel Kleinschmidt (ASK), Nuuk

Februaari 2018



KOMMUNEQARFIK SERMERSOOQ
Sanarfinermut Avatangiisinullu Ingerlatsivik
Forvaltning for Anlæg og Miljø

Kommunimut pilersaarummut tapiliusseq sunaava?

Kommunimut pilersaarummut tapiliusseq tassaavoq ingerlaavartumik suliarineqartartoq, taamaattumik Pilersaarusiornermut inatsit naapertorlugu (Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-imeersoq) naapertorlugu kommunalbestyrelse pisussaavoq, kommunimut pilersaarut pillugu pisariaqartutigit malinnaatitsissalluni. Taamatut malinnaatitsisarneq isumagineqartuartaarpoq kommunimut pilersaarummut allannguutissanik imaluunniit ilanngussassanik pisariaqartunik tapiliussassaqaqtillugu.

Kommunalbestyrelse kommunimut pilersaarummut tapiliussamik nunaminertamik atuinissamut sanaartukkanullu tunngasunik aalajangersagartalimmik taamaalilluni sukkulluunniit suliaqarsinnaatitaavoq. Tamatuma saniatigut Kommunalbestyrelse sukumiisumik aalajangersagartalimmik kommunimut pilersaarummut tapiliortussaataitaavoq:

- Nuna tamakkerlugu pilersaarusiornerup kommunillu pilersaarusiornerata piviusunngortinnissaanut qulakkeerinisseq pisariaqaraangat.
- Sanaartugassanik imaluunniit sulianut annerusunut pingaaruteqartunulluunniit nunaminertamik atugassiinnginnermi.
- Sanaartukkanik anginerusunik pingaaruteqarnerusunilluunniit ingutserilinnginnermi.

Kommunimut pilersaarummut tapiliusseq marlunnik immikkoortortaarpoq, **nassuiaat** aamma **maleruaqqusanut** tunngasut.

- **Nassuiaammi** kommunimut pilersaarummut tapiliussap siunertaa anguniagaalu, pissutsit immikkoortup iluani eqqaanilu pioreersut nassuiarneqarput.
- **Malittarisassartaani** pilersaarutip piviusunngortinnissaanut atatillugu, aalajangersakkat malinneqarnissaat allassimavoq. Aalajangersakkat pingaarnertut inissillugit allanneqarput aammalu aalajangersakkat sukumiisunngorlugit allanneqarlutik. Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Tamatuma saniatigut nunap assingi ilanngussat attuumassuteqartut, aalajangersagartaaniipput.

Tamanut nalunaarut

Kommunimut pilersaarummut tapiliusseq 1C33-1 inaarutaasumik atuutilersutut tamanut nalunaarutigineqarpoq ulloq 14.03.2018.

Kommuneqarfik Sermersooq
Sanarfinermut Avatangiisinullu Ingerlatsivik
Postboks 1005
3900 Nuuk

Pilersaarut sumi atuarneqarsinnaava?

Pilersaarut Nunatta Atuagaateqarfiani imaluunniit kommunip nittartagaani www.sermersooq.gl-imi atuarneqarsinnaavoq, kommunip innuttaasunut sullissivianut imaluunniit Sanarfinermut Avatangiisinullu Ingerlatsivimmut Kuussuaq 2, 3900 Nuuk saaffiginnillutit pissarsiarisinnaavat, oqarasuaat 36 74 31.

IMARISAI

1	NASSUIAAT	4
1.1	PILERSAARUSIORFIK	4
1.2	SIUNERTAA TUNNGAVIILU	5
1.3	PISSUTSIT ATUUTTUT	6
1.4	PILERSAARUMMI PINGAARNERIT	6
1.5	PILERSAARUMMUT TAPILIUSSAP INATSISITIGUT ATUUFFII7	
2	AALAJANGERSAKKAT	8
2.1	PINGAARNERTUT AALAJANGERSAKKAT	8
2.2	AALAJANGERSAKKAT SUKUMIISUT	11
3	AKUERSINERMUT UPPERNARSAAT	18
4	ASSI ILANNGUSSAQ	19

1 NASSUIAAT









Una tapiliusseq immuni kommunimut pilersaarummut tapiliussat 37-saat uunga "Nuummur pingaarnertut aqqissuussaq nutaaq"-mut pilersaarummut ilanngunneqarpoq. Kommunip pilersaarutaanut tapiliussani 37-ni nunaminertat tamarmik pilersaarummut Nuuk City Developmentimut (NCD) ilaapput, aamma nunaminertat tunniunneqartut kommunip illoqarfimmik ineriartortitsinermut suliniutaanut toqqaannartumik tunniunneqarlutik. Nunaminertat Kommuneqarfik Sermersuumit imaluunniit Kommuneqarfik Sermersuup toqqaannartumik toqqaannangitsumilluunniit 100 procentimik pigineqartunut ineriartortitsinermut peqatigiiffiusunik atorineqarsinnaavoq siunertanut pisortatigoortumik atugassatut siunertanulluunniit namminersortunit atugassatut.

1.1 PILERSAARUSIORFIK

Immikkoortoq Nuup qeqqani Qapiarfiusaami inissiaqarfimmiippoq, tamanna blokkinik inissianik qaqqortunik 4-5-inik quleriinnik 1972-77-ikkunni sanaartorfiusimavoq.



Ilisarnaatinut nassuiaatit

	Immikkoortup ilaa pioreersaq		Inissiaqarfik A		Nunaminertaq sanaartorfieqqusaanngitsaq D
	Immikkoortup ilaa nutaaq		Siliffeqarfeqarfik B		Teknikkikkut atortorissaarutit kiisalu attaveqaatitigut atortorissaarutit E
	Inissiat/illut pioreersut		Illoqarfiup qeqqa C		

Pioreersunut killigitat immikkoortullu ilaa nutaaq titarnernik aappaluttunik ilisarnaateqarput.

Immikkoortup killeqarfigaa Samuel Kleinschmidtip Aqqutaa aamma Qapiarfiusaami kujammur kujammullu kimmur inissiat, kimmur aqqusineeraq Qapiarfiusaaq blokkit 12 aamma 13 taamatullu avannamur kangimur Godthåb Bryghus. Immikkoortup avannamur kangisissortaniippoq Atuarfik Samuel Kleinschmidt (ASK), taassuma kujammur kippasissua sanaartorfiungilaaq

aamma tassaniillutik arsaattarfik pinnguartarfillu mikisoq. Immikkoortumi tassani qeqqani atuuffissatut aamma inissianik quleriinnik pilersaarut sioqqullugu atuarfimmu tunngassuteqartut nuunneqarnissaat naatsorsuutigineqarpoq.

Kommunimut pilersaarummut tapiliussaq, Kommuneqarfik Sermersuumut Kommunimut pilersaarummut 2028-mut ilaavoq taanna pingaarnertut qeqqani siunertaqartunut atugassatut naatsorsuunneqarpoq, qulaani assi takuuk.

Kommunimut pilersaarummut tapiliussaq taanna atorlugu immikkoortup ilaanik nutaamik inissiisoqassaaq, immikkoortulli qeqqatut atuuffia taamaaginnassaaq tamanit atorneqarsinnaasutut.

1.2 SIUNERTAA TUNNGAVIILU

Kommuneqarfik Sermersuumi nalinginnaasumik kissaataavoq, ukioqatigiiaanngitsunut paaqqinniffimmik sanaartortoqarnissaa, meeqqerivinnit allanut nuuttarnerit ikinnerpaaffissaminniitinniarlugit aamma init atuuffiillu eqaannerpaammik atorneqarnissaannut periarfissiiniarluni.

Kommunimut pilersaarummut tapiliussaq siunertaqarpoq immikkoortup kujammut kippasissortaani ukioqatigiiaanngitsunut paaqqinniffimmik meeraaqqerivimmik aamma meeqqerivimmik imalimmik sanaartornissamut periarfissaqarluni.

Taamatuttaaq periarfissiisoqarpoq atuarfik Samuel Kleinschmidt (ASK), taassuma illutaa, atortui il.il. piarneqarsinnaallutik.

Kommunimut pilersaarummut tapiliussami tunngaviit tassaapput:

- Immikkoortup ilaata qitiusutut atorneqarnissaa aalajangiunniarlugu
- Ukioqatigiiaanngitsunut paaqqinniffimmik meeraaqqerivimmik meeqqerivimmillu imalimmik immikkoortup kujammut kimmu sammisuani sanaartornissamut periarfissaqarpoq, maannamut pinnguartarfiusup aamma Samuel Kleinschmidtip Aqqutaani bussit unittarfiata illuarartaata akornanni.
- Paaqqinniffimmu atsumik atortulersuutini silamiiffissanillu periarfissiisoqassasoq, 1:1-imik aamma arsaattarfik piunnassaaq.
- Illut piusut isaterneqarnissaannut periarfissiisoqassasoq aamma immikkoortortap avannamut kitaani inissianik tallimanik quleriilinnik nutaanik sanaartortoqarnissaanut periarfissiisoqassasoq.
- Immikkoortoq, pioreersut avatangiisillu eqqarsaatigalugit aalajangiiffigineqassasoq
- Paaqqinniffimmi nutaami aamma ineqartussanut sumiiffimmillu atuisussanut silamiiffiusinnaasut pitsaasut atorluarneqarsinnaasullu qulakkeerneqassasut.

- Samuel Kleinschmidtip Aqqutaanit immikkoortumut aquteqarnissaa qularnaarneqassasoq, assi ilanngussaq 1C33 takuuk.

1.3 PISSUTSIT ATUUTTUT

Immikkoortup ilaa katilluni 2,3 ha-nik annertussuseqarpoq, sivingajaarpoq kujammut nunap killinga 39 avannamut 28 tikillugu. Immikkoortortamiipput illut atuarfimmuut tunngasut kujammut kimmuut sammisortaa - atortuusivik mikineq eqqaassanngikkaanni - sanaartorfiunani.

Atuarfik Samuel Kleinschmidt (ASK) Nuummi kommunip atuarfiutaasa tallimat ilagaat, ullumikkut 400 miss. atuortoqarluni klassini 1. - 10. agguataarsimasunik. Atuarfik 1970-imi sananeqarpoq Qapiarfusaami inissiaqarfiit sananeqaqatigalugit. Atuarfik pingasunik imminnut atasunik illutaqarpoq kangimut Samuel Kleinschmidt Aqqutaanut sammisumik ammanersaqarluni. Sanaartugaq nunap nammineq qaqqajunnaanera naapertorlugu pilersaarusiugaavoq aamma taamaattumik assigiinngitsunik qatsissuseqarluni inissisimalluni. Qatsissutsit assigiinnginnerat annertuumik tummeqqanik atuinikkut ataqatigiissinneqarpoq, soorlu immikkoortumi tamarmi tamanna nalinginnaasoq.

Illuutit piusut piarneqarsinnaapput illunik quleriinnik initalinnik sanaartornissaq inissaqartikkumallugu, taakkua ineqarfittut atorneqarsinnaassapput. Illumi inini allerni qeqqani atuuffinnut assigiinngitsunut aaqjissuussisoqarsinnaanera periarfissaqartinneqarpoq.

1.4 PILERSAARUMMI PINGAARNERIT

Kommunimut pilersaarummut tapiliussakkut immikkoortup ilaata siunertanut ataatsimoorussanut soorlu pisortat ingerlataannik atuarfinnik aamma paaqqinniffinnik meeraaqqerivinnik meeqqerivinnillu imaqartunik, taakkunungalugu atasunik silamiiffissanik, sukisaarsaartarfinnik timersortarfinnillu, biilit uninngaartarfiinik il.il. imallit aalajangersarneqartarput.

Immikkoortortap ilaani 1-ip kujammut kippasissortaani ukioqatigiinngitsunut paaqqinniffik meeraaqqerivimmik aamma meeqqerivimmik imaqartoq nutaaq 1.100 m² tikillugit annertussuseqartoq sanaartorneqarsinnaavoq. Paaqqinniffimmuut atasumik silamiiffissat 1:1 angissusillit suliarineqassapput, taakkununga ilanngullugit pinnguartarfik aamma arsaattarfik il.il..

Meeqqerivimmik nutaamik sanatitsisoqassaaq meeqqerivinnut Atuuffissatut pilersaarut sukulluunniit atuuttussatut Kommuneqarfik Sermersuumit suliarineqartoq naapertorlugu.

Immikkuualuttoq 2-mi inissiaqarfimmik tallimanik quleriilimmik nutaamik sanaartortoqarsinnaavoq. Illut uiguleriittut imaluunniit illut akornanni qeqqatigut

ammanersaqarluni suliarineqarsinnaavoq pingaarnertut inissiaqarfittut atussalluni illumili init allit qitiusumik atuuffeqartut suliarineqarsinnaallutik.

1.5 PILERSAARUMMUT TAPILIUSSAP INATSISITIGUT ATUUFFII

Inaarutaasumik inatsisitigut sunniutit

Kommunimut pilersaarutip piviusunngortinneqarnissaanut Kommunalbestyrelse suliniuteqassaaq, tassunga ilanngullugu nunaminertanik atugassiinerni.

(Pilersaarnermut inatsimmi § 29)

Kommunimut pilersaarummut tapiliussap matuma inaarutaasumik akuerineqarnera tamanut nalunaarutigineqareerpat kommunimut pilersaarummut tapiliussamut inatsisitigut piviusumilluunniit akerliusumik pissutsinik pilersitsisoqassanngilaq. *(Pilersaarusiornermut inatsimmi § 30)*

Pisulli ilaanni aalajangersakkanit sukumiisunit nikingasoornertut annikinnerusunut immikkut ittumik akuersissuteqartoqarsinnaasarpoq. Nikingasoornertut pingaarnertut aamma aalajangersakkanit pingaarnertut nikingasoornertut pissutigalugit nutaamik kommunimut pilersaarummut tapiliussaliortoqassaaq. *(Pilersaarusiornermut inatsimmi § 50)*

Nunaminertanik, illunik atortunillu manna tikillugu unioqqutitsinani atuinerit ingerlaannarsinnaapput, akerlianilli illunik atuinerit allanngortinneqarnerat nutaanilluunniit illuliornerit kommunimut pilersaarummut tapiliussamut akerliussanngillat.

Kommunimut pilersaarummut tapiliussap malitsigisaanik imaanngilaq nunaminertat, illut atortulersuutillu pilersaarummi ilaatinneqartut, pilersinneqassasut.



2 AALAJANGERSAKKAT

Matumuuna "Pilersaarusiortarneq nunaminertanillu atuineq pillugit Inatsisartut inatsisaat nr. 17, 17. novembari 2010-meersoq" (Pilersaarusiortarneq pillugu inatsit) kingusinnerusuk allannguutitalik naapertorlugu aalajangersakkat tullinguuttut makku Kommunalbestyrelsimit aalajangersarneqarput.

Aalajangersakkat aalajangersakkanut pingaarnernut aalajangersakkanullu sukumiisunut avitaapput.

Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Aalajangersakkat pingaarnertit pilersaarummi tunngaviummik tunngaviupput taamaattumillu aalajangersakkanit taakkunanga immikkut ittumik akuersissuteqartoqarsinnaanngilaq.

2.1 PINGAARNERTUT AALAJANGERSAKKAT

MAANNA PINGAARNERTUT AALAJANGERSAKKAT	PINGAARNERTUT AALAJANGERSAKKAT NUTAAT
Immikkoortup ilaata killeqarfilersorneqarnera	
	
1. Siunertaq	
Qeqqani siunertaq	<p>Nalinginnaasumik atuineq: C – Qitiusumik siunertanut</p> <p>Immikkut ittumik atuineq: C2 - Ataatsimut siunertarisat</p>

2. Atorneqarnera	
<p>Immikkoortup siunertanut qitiusumik atorneqarnissaanut niuerneramik, pisortat aamma namminersortut kiffartuussinerannut, inissiaqarfinnut, akunnittarfimmut, neriniartarfinnut kiisalu pisortat allaffissornerannut paaqqinniffinnullu ingerlatsiffissatut aalajangersarneqassaaq.</p>	<p>Immikkoortup siunertanut tamanit atorneqartussanut soorlu atuarfimmu, paaqqinniffinnut, timersornermut aamma assingusunut pisortat siunertaannut, taamatullu niuertarfinnut, namminersortut inuussutissarsiornerannut, kiffartuussinermik ingerlatsivinnut aamma inissianut aalajangersarneqassaaq.</p> <p>Immikkoortoq immikkuualuttunut marlunnut aggorneqassaaq:</p> <p>Immikkoortup ilaa 1: Immikkoortoq siunertanut ataatsimoorussanut soorlu paaqqinniffinnut meeraaqqerivimmu aamma meeqqerivimmu tassunga atuuffinnik ilalik aamma pisortat siunertaannut assingusut kiisalu sunngiffimmi sukisaarsarik arsaattarfiusumut atorneqassaaq.</p> <p>Immikkoortup ilaa 2: Sumiiffiup atorneqarnera qeqqani siunertanut illoqarfimmi pisariaqartut ilanngullugit aalajangersarneqassaaq, soorlu: Pisiniafiit, namminersorlutik inuussutissarsiortut, (ussassaarusiornermik suliaqartartut, qarasaasialerisut, eqqartuussissuserisut, illussanik titartaasartut, ingeniørit, illunik tuniniaasartut, kukkunerisiusut assigisaalu), nakorsiartarfii (kigutilerisoq, fodterapeut, tarnip pissusiinik ilisimasalik assigisaalu), kiffartuussiviit, pisortat allaffii, inissiat, akunnittarfik, neriniartarfik, biilinit inissiisarfik teknikkimullu tunngasut pisariaqartut assigisaalu.</p>
3. Sanaartukkat	
<p>Quleriit tallimat angullugit portutigisunik illulioraqarsinnaavoq. Nutaamik sanaartornermi ilusilersuineq, atortulersuineq qalipaasersuinerlu sanaartukkanut pioreersunut tulluorsaalluni ingerlanneqassapput. Nutaamik sanaartorneq pisinnaaqullugu immikkoortoq tamakkerlugu ataatsimoortumik pilersaarusiortoqassaaq sunik sanaartortoqarnissaanik, qanoq annertutigisumik inissisimaffissaalu kiisalu immikkoortup allanngoriartorneranut sukumiisumik aalajangersakkat aalajangersarneqassaassapput.</p>	<p>Quleriit tallimat angullugit portutigisunik illulioraqarsinnaavoq.</p> <p>Taamaattoq immikkoortup ilaa 1, nutaatut sanaartukkat quleriit pingasut angullugit sanaartorfigineqarsinnaavoq.</p>

4. Inissaqassuseq	
Immikkoortup ilaani sanaartorfissanik nutaanik atugassiisoqarsinnaangilaq. Illooreersut taartissaattut aamma allilerneqarnerannut tunngatillugu nutaanik illuliortoqarsinnaavoq.	Immikkoortup ilaa 2,3 ha-it missaannik annertussuseqarpoq. Immikkoortoq inissianut 2.000 m ² -mut inissaqarpoq, illuliat inaarutaasumik ilusilersorneqarnerat apeqqutaatillugu. Illut pioreersut isaterneqarnerannut atasumik nutaanik sanaartortoqarsinnaavoq. Illut pioreersut isaterneqarnerisigut inissaq sinneruttoq katillugu 3.500 m ² -iuvoq aamma inissianut 120-nut inissaqartoq, illuliat ilusilersorneqarnerat apeqqutaalluni. Matuma qulaani sanaartorfissat atorineqareerpata, immikkoortoq tamakkerluni sanaartorfigineqareersutut sinneruttunillu inissaqartitsiffiunngitsutut isigineqalissaaq.
5. Eriagisariaqartut	
Sumiiffimmi illoqarfimmi nutarsaasoqarsinnaavoq, ilaatigut illuliat pioreersut isaterneqarnerisigut. Illoqarfimmik nutarsaaneq ataatsimut pilersaarusiornikkut pissaaq.	<i>Immikkut ittunik aalajangersagaqanngilaq</i>
6. Nunaminertat piumasaqaatitaqarfiusut	
Narlorissumik aammalu suluunnartut ilusilimmik mittarfiup tallilerneqarnerani mikkiartornermi qangattalernermilu qaavisa aporfeqanngitsoqarnerisigut mittarfiup eqqaani killeqarfiit aalajangersagartaqartinneqassapput. Immikkoortoq mittarfimmut aporfeqanngitsup ataaniippoq narlorissullu inissisimanerata ilaanut ilaalluni, tassanilu illut nunamiit illuliat nuuata tungaanut 127,5 qaangerlugu sanaartoqqusaanatik aqquserngillu sanaartorneqarnerini 121,5 qaangeqqusaanagu.	Narlorissumik aammalu suluunnartut ilusilimmik mittarfiup tallilerneqarnerani mikkiartornermi qangattalernermilu qaavisa aporfeqanngitsoqarnerisigut mittarfiup eqqaani killeqarfiit aalajangersagartaqartinneqassapput. Immikkoortoq mittarfimmut aporfeqanngitsup ataaniippoq narlorissullu inissisimanerata ilaanut ilaalluni, tassanilu illut nunamiit illuliat nuuata tungaanut 127,5 qaangerlugu sanaartoqqusaanatik aqquserngillu sanaartorneqarnerini 121,5 qaangeqqusaanagu.
7. Aqqusinertigut angallaneq teknikkikkullu pilersuinerit	
Immikkoortoq Kuussuarmit aamma Samuel Kleinschmidtip Aqqutaanit aqqusineqarpoq.	Immikkoortoq Samuel Kleinschmidtip Aqqutaanit aqqusineqarpoq.
8. Illoqarfimmik nutarterineq	
<i>Immikkut ittunik aalajangersagaqanngilaq</i>	Immikkoortortami illoqarfimmi nutarsaasoqarsinnaavoq, ilaatigut illuliat pioreersut isaterneqarnerisigut.

9. Immikkoortukkuutaat	
<i>Immikkut ittunik aalajangersagaqanngilaq</i>	<i>Immikkut ittunik aalajangersagaqanngilaq</i>

2.2 AALAJANGERSAKKAT SUKUMIISUT

Immikkoortoq immikkuualuttunut marlunnut agguarneqassaaq, assitut ilanngussami takutinneqartut. Immikkuualuttunut marlunnut nutaanut aalajangersakkanik sukumiisunik aalajangersaasoqassaaq.

Aalajangersakkat sukumiisut assigiinngiiaartunut tunngapput, ilaatigut sanaartornermut nunaminertanullu sanaartorfiunngitsunut tunngassuteqarlutik. Immikkut pisoqartillugu, aalajangersakkanit sukumiisunit immikkut akuersissuteqartoqarsinnaavoq.

Immikkuualuttoq 1
1. Inissialiat inissinneqarnerat
<p>Imm. 1: Sanaartukkat inissialiallu nutaat assimi ilanngussami sanaartorfittut takutinneqartut inissinneqassapput. Tamanna aamma illunut mikinerusunut soorlu sikkiliisivinnut, sakuusivinnut, teknikkimut atortuusivinnut/atortulersuutitut assigisaannullu atuuppoq.</p> <p>Imm. 2: Sanaartukkat nutaat 1-3-nik qulereeqarsinnaapput, portunerpaamik 12 meterit angullugit: Teknikkikkut atortulersuutit soorlu silaannarissarfiit, elevatorit assigisaallu portussutsinik killilersuinernut ilaatinneqanngillat.</p>
2. Inissialiat isikkui
<p>Imm. 1: Nutaanik sanaartornerit avatangiisiniittut eqqarsaatigalugit ilusilersorneqarlutillu immikkut akuerineqassapput.</p> <p>Imm. 2: Sanaartorfissani ataasiakkaani illuliat illulioriaaseq, atortussat qalipaattillu eqqarsaatigalugit ataatsimoortut isikkoqartinneqassapput.</p> <p>Imm. 3: Illuliat – tassunga ilanngullugit quit assigisaallu – atortussat soorlu qisuit, igalaamerngit, eternit, savimerngit, ujaqqat, zink, aluminium, sisak betoniluunniit atorlugit sanaajussapput. Eqqaamiut saneqquasullu eqqarsaatigalugit illut silataasa iigai qinngorneqarlutik inngianartuussanngillat.</p> <p>Imm. 4: Qaliat qaavi minnerpaamik gradinik sisamanik uingatillugit aamma qalissiamik taartumik, zinkimik, kanngussamik, qisunilluunniit qalluserlugit qaliat qaavisut qorsuusutut ilusilersorneqassapput (issuatsiaanik ivikkanilluunniit) inngiasutsitsissanngillalli. Tamakkunanga ilanngutinngitsuukkat tassaasinnaapput aneerasaartarfiit assigisaallu atortussiat allat atorlugit uinganeqanngitsunillu sananeqarsinnaasut.</p> <p>Aniinganerusinnaasut, qaliat igalaarisinnaasaat assigisaallu qaliat qaavini naleqquttumik inissinneqassapput.</p> <p>Imm. 5: Seqerngup qinngorerinik katersuissutit, seqinisaatit assigisaallu illup qaliata iigaataluunniit ilaatut ilanngunneqarsinnaapput aamma eqqaamiunut saneqquasunullu inngiasutsitsissanngillat, imm. 2.3 takuuk.</p> <p>Imm. 6: Silaannarissarfiit, elevatorit, pujoorfiit assigisaallu illup titartarneqarnerata ilaatut ilanngunneqassapput. Taamaattumik silaannarissarfiit mootorii illumi illulluunniit silataanni takussaasumut inissinneqassanngillat.</p>

Imm. 7: Allagartarsuit illup ilusaa titartarneqarneralu naapertorlugit ilusilersorneqassapput. Allannerisa angissusaasa 2 m²-it sinnissappassuk ikkussinissamut Kommuneqarfik Sermersuumut qinnuteqaateqartoqassaaq.

3. Aqquserngit aqqusineeqqallu

Imm. 1: Aqqusinikkut ingerlaarfissaq Samuel Kleinschmidt Aqquataagut pissapput, assi ilanngussaq 1C33 tunngaviusoq takuuk.

Imm. 2: Immikkoortut ilaannit marlunnit aqqusineeqqallu qanittumiittut tamaaniittut atornerqarsinnaanerat qularnaarneqassaaq. Aqqusineeqqat sapinngisaq tamaat nunaareersumut naleqqussarneqassapput, taamaattorli tikikkuminarnissaat eqqarsaatigineqassaaq.

Imm. 3: Immikkoortumi kommunimut pilersaarummi aalajangersakkat nalinginnaasut naapertorlugit biilinu inissiisarfiliortoqassaaq. Meeqquerivinnut: 50 m²-imut biilimut inissaq ataaseq.

Ataatsimut biilinu unittarfiornermut tunngatillugu elbiilinu immiisarfissanik nappaasoqarnissaa periarfissaqassaaq.

Taamatuttaa qikkilinu inissiivimmik qulisamik naammaginatumik angissusilimmik pilersitsisoqassaaq.

Imm. 4: Aqqusernit aalajangersimasunik titarnilersugaapput (immikkut ittumik killeqarfiliussat), inissialiorfiusut sanaartorfiillu aqquserngup qeqqaniit 12,0 meterinik qaninnerusumik aqqusernermut, immikkoortullu ilaanut aqqusernup qeqqaniit 7,5 meterinik qaninnerusumut aqqusinerineqalersunut inissinneqassanngillat.

4. Nunaminertat sanaartorfineqanngitsut sunngiffimmilu atortulersuutit

Imm. 1: Nunaminertat sanaartorfineqanngitsut, sammisassanut aamma pinnguartarfittut, arsaaffittut assigisaannillu aneerfissatut inissinneqassapput.

Nunaminertat sanaartorfineqanngitsut uninngatitat sanaartorfineqarsinnaanngillat, taamaallaalli ingerlatsinermut pisariaqartunik illunat atuuttunut tunngasunik sanaartorfiusinnaapput.

Imm. 2: Immikkoortumut atuuttumut tunngassutilimmik aneerfissamik kisitsisiliussat tunngavigalugit pilersitsisoqarsinnaavoq:

- Paaqqinniffik assigisaallu: quleriit annertussusianit 100 %

Imm. 3: Aneerfissat seqerngup sammivia uningaartarfiillu pitsaassusii eqqarsaatigalugit inissinneqassapput.

Imm. 4: Nunaminertat illuliornernut, aqqusinernut, aqqusineeqqanut, biilinu inissiisarfinnut aamma ataatsimoorullugit uninngaartarfinnut atugassiissutigineqarsimanngitsut sanaartorfineqanngillat aammalu uninngaartarfinnut pinngortitatut isikkoqartut atugassiissutigineqassallutik.

5. Teknikkimut atortulersuutit

Imm. 1: Inissialiat nutaat pisortat innaallagissamut imermullu aqquataaannut aamma kuuffissuaataannut attavilerneqassapput.

Imm. 2: Imikoq qasertoq qernertorlu tamarmik kuuffissuakkuut kuutsinneqassapput. Nunap qaavata ernga kussiamiillu imeq kuuffissuakkoortinneqassanngillat kisiannili illulianut, aqqusinernut, aqqusineeqqanut nunaminertanullu sanaartorfineqanngitsunut eqqaamiorisanut akornutaanngitsumik kuutsinneqassapput.

Imm. 3: Pilersuinerimut aqquutit tamarmik nunap iluatigoortinneqassapput. Ledninginik inuup allap allannortiterisinnaanera ledninginik piginnittumut aningaasartuutaassanngilaq aamma tamanna

<p>ledninginik piginnittoq aatsaat isumasioqqaarlugu taassumalu innersuussutai malillugit pissaaq.</p> <p>Imm. 4: Immikkoortup ilaanut teknikkikkut atortulersuutit soorlu sakkortusaaviit assigisaalu immikkoortup ilaanut pilersuinermt atortut inissineqarsinnaapput. Teknikkimut atortulersuutit Nukissiorfiit aamma Kommuneqarfik Sermersooq siunersiorlugu aamma atortut takussunarsaataanngitsumik inissineqassapput.</p>
<p>6. Nunaminertat sanaartorfigineqanngitsut</p>
<p>Imm. 1: Illuliat nutaat sapinngisamik nunaareersumut naleqqussarneqassapput. Teknikkikkut imminut illersorsinnaasumik illuliornissaq eqqarsaatigalugu pisariaqartitsineq taamaallaat naapertorlugu nunamik allannguisoqassaaq.</p> <p>Imm. 2: Assimi ilanngussami 1C33-mi takutinneqartutut sanaartorfinni nunaminertanilu aqqusinernut, biilinut inissiisarfinnut assigisaannullu atorneqartuni pisariaqartinneqartumik nunagissaasoqarsinnaavoq.</p> <p>Imm. 3: Immikkoortup ilaani naasooreersut sapinngisamik paariinnarneqassapput aammalu ajornanngippat inaalinneqassallutik, taamaalillutik sanaartortoqareerpat ilusaattut ilerseqqinneqarsinnaaniassammata.</p> <p>Imm. 4: Immikkoortup ilaa qaartiternerlukunik qaartiterinermi assartuinermiluunniit siammarsimasinnaasunik salinneqassaaq.</p> <p>Imm. 5: Nunaminertat sanaartorfigineqanngitsut saligaatsuutinneqassapput eqqiluitsuutinneqarlutillu. Silami inaalitsisoqaqqusaanngilaq.</p>
<p>7. Eriagisassaq</p>
<p><i>Immikkut ittunik aalajangersagaqanngilaq</i></p>
<p>8. Pinngortitap illersorneqarnissaanik soqutiginninnerit</p>
<p><i>Immikkut ittunik aalajangersagaqanngilaq</i></p>
<p>9. Nunaleraluni nunamik atuinissamik soqutiginninnerit</p>
<p><i>Immikkut ittunik aalajangersagaqanngilaq</i></p>
<p>10. Ataatsimut atortulersuutit</p>
<p>Imm. 1: Immikkoortumi 3.3-mi biilinut inissiisarfiliornissat pillugit aalajangersakkat takukkit.</p> <p>Imm. 2: Immikkoortut 4.1, 4.2. aamma 4.3-mi silami uninngaarfiit pillugit aalajangersakkat takukkit.</p>
<p>11. Piginnittut peqatigiiffii</p>
<p><i>Immikkut ittunik aalajangersagaqanngilaq</i></p>
<p>12. Avatangiisinik mingutsitsinermi killissarititaasut</p>
<p>Imm. 1: Immikkoortup ilaani eqqaavinnut eqqakkanut atugassanik inissiiffissanik nunaminertanik inniminniisoqassaaq.</p>
<p>13. Illut nukissiuutinik atuinikitsut</p>
<p><i>Immikkut ittunik aalajangersagaqanngilaq</i></p>

14. Atuinissamut piumasagaatit

Imm. 1: Imatut pisoqaqqaartinnagu illuliat nutaat iserterfigineqassanngillat:

- immikkoortoq 3 naapertorlugu biilnut inissiisarfik naammassineqartoq.
- immikkoortoq 4 naapertorlugu silami uninngaarfinnik pilersitsineq.
- pisortat pilersuutaannut attavilernerit pereerpata.
- inaarutaasumik nunagissaanerit naammassineqareerpata.

Piffissap sanaartorfiusup tamanna ajornartissappagu immikkoortuni taaneqartut Kommuneqarfik Sermersuumik isumaqatigiissuteqartoqareerpat piaarnerpaamik suliarineqassapput.

Immikkuualuttoq 2

1. Inissialiat inissinneqarnerat

Imm. 1: Sanaartukkat inissialiallu nutaat assimi ilanngussami 1C33-mi sanaartorfittut takutinneqartut inissinneqassapput. Tamanna aamma illunut mikinerusunut soorlu sikkiliisivinnut, sakuusivinnut, teknikkimut atortuusivinnut/atortulersuutitut assigisaannullu atuuppoq.

Imm. 2: Sanaartukkat nutaat 3-5-inik qulereeqarsinnaapput, portunerpaamik 20 meterit angullugit portussuseqarlutik.

Teknikkikkut atortulersuutit soorlu silaannarissarfiit, elevatorit assigisaallu portussutsinik killilersuinernut ilaatinneqanngillat.

2. Inissialiat isikkui

Imm. 1: Illut nutaat titartarneqarnermikkut kulturimut tunngatillugu titarnerup illoqarfiullu qeqqata eqqaaniinnerat takutippaat tamannalu ilutigalugu inissiat pitsaasut pillugit tunngavissiisoqarsinnaalluni.

Imm. 2: Sanaartorfissani ataasiakkaani illuliat illulioriaaseq, atortussat qalipaatiullu eqqarsaatigalugit ataatsimoortut isikkoqartinneqassapput.

Stk 3: Imm. 3: Sanaartukkat uigusatut isikkulittut imal. eqimattakkuutaatut ammanertalittut suliarineqassapput.

Imm. 4: Sanaartukkat ima ilusilersorneqassapput inissinneqarlutillu seqerngup sumiiffia, anorip sammivia aamma isikkiviit eqqarsaatigineqarlutik.

Imm. 5: Illuliat – tassunga ilanngullugit quit assigisaallu – atortussat soorlu qisuit, igalaamerngit, eternit, ujaqqat, zink, aluminium, sisak betoniluunniit atorlugit sanaajussapput. Eqqaamiut saneqquasullu eqqarsaatigalugit illut silataasa iigai qinngorneqarlutik inngianartuussanngillat.

Imm. 6: Qaliat qaavi minnerpaamik gradinik sisamanik uingatilugit aamma qalissiamik taartumik, zinkimik, kanngussamik, qisunilluunniit qalluserlugit qaliat qaavisut qorsuusutut ilusilersorneqassapput (issuatsiaanik ivikkanilluunniit) inngiasutsissanngillalli. Tamakkunanga ilanngutinngitsuukkat tassaasinnaapput aneerasaartarfiit assigisaallu atortussiat allat atorlugit uinganeqanngitsunillu sananeqarsinnaasut.

Aniinganeruinnaasut, qaliat igalaarisinnaasaat assigisaallu qaliat qaavini naleqquttumik inissinneqassapput.

Imm. 7: Aneerasaartarfiit qaliallu aneerasaartarfii seqerngup sammivia illullu titartarneqarnera eqqarsaatigalugit inissinneqassapput. Aneerasaartarfiit 1,5 meterinit takinerusumik

<p>atitussuseqassanngillat.</p> <p>Imm. 8: Tummeqqat qalialiartarfiit illup timitaanut ilaatinneqassapput.</p> <p>Imm. 9: Silaannarissarfiit, elevatorit, pujoorfiit assigisaallu illup titartarneqarnerata ilaatut ilanngunneqassapput. Taamaattumik silaannarissarfiit motorii illumi illulluunniit silataanni takussaasumut inissinneqassanngillat.</p> <p>Imm. 10: Allagartarsuit illup ilusaa titartarneqarneralu naapertorlugit ilusilersorneqassapput. Allannerisa angissusaasa 2 m²-it sinnissappassuk ikkussinissamut Kommuneqarfik Sermersuumut qinnuteqaateqartoqassaaq.</p>
<p>3. Aqquserngit aqqusineeqqallu</p>
<p>Imm. 1: Aqqusernit Samuel Kleinschmidt Aqputaa aamma Qapiarfiusaaq atorneqassapput, assi ilanngusaaq 1C33 tunngaviusoq takuuk.</p> <p>Imm. 2: Immikkoortut ilaannit marlunnit aqqusineeqqallu qanittumiittut tamaaniittullu atorneqarsinnaanerata qularnaarneqassaaq. Aqqusineeqqat sapinngisaq tamaat nunaareersumut naleqqussarneqassapput, taamaattorli tikikkuminarnissaat eqqarsaatigineqassaaq.</p> <p>Imm. 3: Aqqusernit aalajangersimasunik titarnilersugaapput (immikkut ittumik killeqarfiliussat), inissialiorfiusut sanaartorfiillu Samuel Kleinschmidt Aqputaata qeqqaniit 12,0 meterinik qaninnerusumik immikkoortullu ilaanut aqqusernup qeqqaniit 7,5 meterinik qaninnerusumut aqqusinerineqalersunut inissinneqassanngillat.</p> <p>Imm. 4: Immikkoortup ilaani kommunimut pilersaarummi aalajangersakkat nalinginnaasut naapertorlugit biilinit inissiisarfiliortoqassaaq. Inissiani quleriinni > 50 m²: biilit uninngaarfiat ½ aamma < 50 m² biilit uninngaarfiat ¼, allaffinnut, paaqqinniffinnut 50 m² tamanut biilit uninngaarfiat 1 aamma pisiniarfinnut 25 m²-inut tamanut biilit uninngaarfiat ataaseq.</p> <p>Ataatsimut biilinit unittarfiliornermut tunngatillugu elbiilinit immiisarfissanik nappaasoqarnissaa periarfissaqassaaq.</p> <p>Imm. 5: Immikkoortup ilaani sikkilini inaalitsivik qulisaq inissiamut ataatsimut inaalitsivik ½, taamaattoq kollegiamut assigisaanullu sikkilinit inaalitsivik ataaseq.</p>
<p>4. Nunaminertat sanaartorfigineqanngitsut sunngiffimmilu atortulersuutit</p>
<p>Imm. 1: Nunaminertat sanaartorfigineqanngitsut, sammisassanut aamma pinnguartarfittut, arsaaffittut assigisaanillu aneerfissatut inissinneqassapput.</p> <p>Nunaminertat sanaartorfigeqqusaanngitsut uninngatitat sanaartorfigineqarsinnaanngillat, taamaallaalli ingerlatsinermut pisariaqartunik illunut atuuttunut tunngasunik sanaartorfiusinnaapput.</p> <p>Imm. 2: Immikkoortumut atuuttumut tunngassutilimmik najugaqartunut atuisunullu pinnguartarfiliortoqarluni uninngaarfissaliortoqassaaq. Tamakku seqerngup sammivia uningaartarfiillu pitsaassusii eqqarsaatigalugit inissinneqassapput.</p> <p>Imm. 3: Immikkoortut aqqusineranut, aqqusineeqqanut, biilinit inissiisarfinnut aamma ataatsimoorullugit uninngaartarfinnut atugassiisutigineqarsimanngitsut sanaartorfigineqassanngillat aammalu uninngaartarfinnut pinngortitatut isikkoqartut atugassiisutigineqassallutik.</p>
<p>5. Teknikkimut atortulersuutit</p>
<p>Imm. 1: Inissialiat nutaat pisortat innaallagissamut imermullu aqputaataannut aamma kuuffissuaataannut attavilerneqassapput.</p> <p>Imm. 2: Imikoq qasertoq qernertorlu tamarmik kuuffissuakut kuutsinneqassapput. Nunap qaavata</p>

ernga kussiamiillu imeq kuuffissuakkoortinneqassanngillat kisiannili illulianut, aqqusinernut, aqqusineeqqanut nunaminertanullu sanaartorfigineqanngitsunut eqqaamiorisanut akornutaanngitsumik kuutsinneqassapput.

Imm. 3: Pilersuinermtut aqquutit tamarmik nunap iluatigoortinneqassapput. Ledninginik inuup allap allangortiterisinaanera ledninginik piginnittumut aningaasartuutaassanngilaq aamma tamanna ledninginik piginnittoq aatsaat isumasioqqaarlugu taassumalu innersuussutai malillugit pissaaq.

Imm. 4: Immikkoortup ilaani teknikkikkut atortulersuutit immikkoortup ilaanik pilersuinermtut atortut soorlu sakkortusaaviit, biilnut innaallagissamik ingerlatilinnut immiissutit assigisaallu inissinneqarsinnaapput. Teknikkimut atortulersuutit Nukissiorfiit aamma Kommuneqarfik Sermersooq siunersiorlugu aamma atortut takussunarsaataanngitsumik inissinneqassapput.

6. Nunaminertat sanaartorfigineqanngitsut

Imm. 1: Illuliat nutaat sapinngisamik nunaareersumut naleqqussarneqassapput. Teknikikkut imminut illersorsinnaasumik illuliornissaq eqqarsaatigalugu pisariaqartitsineq taamaallaat naapertorlugu nunamik allannguisoqassaaq.

Imm. 2: Assimi ilanngussami takutinneqartutut sanaartorfinni nunaminertanilu aqqusinernut, biilnut inissiisarfinnut assigisaannullu atorineqartuni pisariaqartinneqartumik nunagissaasoqarsinnaavoq.

Imm. 3: Immikkoortup ilaani naasooreersut sapinngisamik paariinnarneqassapput aammalu ajornanngippat inaalinneqassallutik, taamaalillutik sanaartortoqareerpat ilusaattut ilerseqqinneqarsinnaaniassammata.

Imm. 4: Immikkoortup ilaa qaartiternerlukunik qaartiterinermi assartuinermtuunniit siammarsimasinnaasunik salinneqassaaq.

Imm. 5: Nunaminertat sanaartorfigineqanngitsut saligaatsuutinneqassapput eqqiluitsuutinneqarlutillu. Silami inaalitsisoqaaqusaanngilaq.

7. Eriagisassaq

Immikkut ittunik aalajangersagaqanngilaq

8. Pinngortitap illersorneqarnissaanik soqutiginninnerit

Immikkut ittunik aalajangersagaqanngilaq

9. Nunaleraluni nunamik atuinissamik soqutiginninnerit

Immikkut ittunik aalajangersagaqanngilaq

10. Ataatsimut atortulersuutit

Imm. 1: Immikkoortuni 3.4 aamma 3.5. silami biilnut uninngaarfiit pillugit aalajangersakkat takukkit.

Imm. 2: Immikkoortuni 4.1, 4.3 aamma 11.5-imi kulturikkut titarnej sinerlugu uninngaartarfiit pillugit aalajangersakkat takukkit.

11. Piginnittut peqatigiiffii

Imm. 1: Immikkoortup ilaani illut pillugit ataatsimut soqutigisanik isumaginnittussamik piginnittut peqatigiiffiannik pilersitsisoqassaaq. Illuutillit, namminersorlutik inuussutissarsiutillit illuutaat immikkoortullu ilaani atuuffiit allat ilaasortaasussaataapput (aamma piginneqatigiilluni inissiaatileqatigiit).

<p>Imm. 2: Aqquserngit, aqqusineeqqat nunaminertallu sanaartorfigineqanngitsut – aamma ukiuunerani – illulianut attuumassuteqartut peqatigiiffimmit isumagineqassapput.</p> <p>Imm. 3: Peqatigiiffik sanaartorfimmi siulliulluni naammassineqartumi illulianik nutaanik naammassinninnerni atuilernernilu kingusinnerpaamik pilersinneqassaaq.</p> <p>Imm. 4: Peqatigiiffimmit ataavartumik sumi najugaqarneq Kommuneqarfik Sermersuumut nalunaarutigineqartassaaq.</p> <p>Imm. 5: Immikkoortumi sanaartorfissagissaanermut aningaasartuutit illuatungeriillu akornanni agguataarneqartussat akilersuinissamut malittarisassatigut immikkut ittutigut takuneqarsinnaassapput.</p>
<p>12. Avatangiisinik mingutsitsinermi killissarititaasut</p>
<p>Imm. 1: Immikkoortup ilaani eqqaavinnut eqqakkanut atugassanik inissiiffissanik nunaminertanik inniminniisoqassaaq.</p> <p>Imm. 2: Immikkoortup ilaani illut sukisaarsarfiillu nalinginnaasumik atorneqarnerannut ataatsimoortinneqarsinnaasunik namminersorluni inuussutissarsiutit atuuffiillu assigisaat taamaallaat naleqqussarneqarsinnaapput.</p>
<p>13. Illut nukissiutininik atuinikitsut</p>
<p><i>Immikkut ittunik aalajangersagaqanngilaq</i></p>
<p>14. Atuinissamut piunasaqaatit</p>
<p>Imm. 1: Ima pisoqaaqaartinnagu illuliat nutaat iserterfigineqassanngillat:</p> <ul style="list-style-type: none"> • immikkoortoq 3 naapertorlugu biilnut inissiisarfimmik peqalerpat. • immikkoortoq 4 naapertorlugu nunaminertanik ataatsimoorussassanik pilersitsineq. • pisortat pilersuutaannut attaviliinerit pereerpata. • inaarutaasumik nunagissaanerit naammassineqarnerat. <p>Piffissap sanaartorfiusup tamanna ajornartissappagu immikkoortuni taaneqartut Kommuneqarfik Sermersuumik isumaqatigiissuteqartoqareerpat piaarnerpaamik suliarineqassapput.</p>

3 AKUERSINERMUT UPPERNARSAAT

Kommunit pilersaarummut tapiliussaq una 1C33-1 Atuarfik Samuel Kleinschmidt (ASK), Nuuk, matumuuna Kommuneqarfik Sermersuup Kommunalbestyrelsanit akuersissutigineqarpoq ulloq 20.02.2018

Kommuneqarfik Sermersooq ulloq 13-2018




Aasi Chemnitz Narup
Borgmesteri



Lars Møller Sørensen
Kommunaldirektøri

Ulloq 14.03.2018 inaarutaasumik atuutilersutut tamanut nalunaarutigineqarpoq.



KOMMUNEQARFIK SERMERSOOQ
Sanarfinermut Avatangisinnullu Ingerlatsivik
Forvaltning for Anlæg og Miljø

Kommunimut pilersaarummut tapiliussaq IC33-I
Kommuneplantillæg IC33-I

Ilanngussaq I, Immikkoortoq IC33
Bilag I, Delområde IC33
Aggusti 2017 / August 2017
Uutuut 1:2000 / Mål 1:2000
A4